



Broj: 11-04/02-34-46892-1/23

Sarajevo, 05.12.2023. godine

SKUPŠTINA KANTONA SARAJEVO

n/r Elvedin Okerić, Predsjedavajući Skupštine Kantona Sarajevo

Predmet: Odgovor na zastupničku inicijativu, *dostavlja se*

ZASTUPNIČKA INICIJATIVA:

Zastupnica u Skupštini Kantona Sarajevo, Marijela Hašimbegović, na 11. Radnoj sjednici Skupštine Kantona Sarajevo koja je održana 15.11.2023. godine pokrenula je zastupničku inicijativu prema Ministarstvu za odgoj i obrazovanje Kantona Sarajevo kojom se traži uključivanje Ministarstva u aktivnosti uspostavljanja neophodne komunikacije i saradnje između direktora i radnika Elektrotehničke škole za energetiku s ciljem rješavanja problematike narušenih međuljudskih odnosa, prijava o mobingu, prijava o nezakonitom radu Uprave u Elektrotehničkoj školi za energetiku.

Obrazloženje zastupničke inicijative:

U obrazloženju zastupničke inicijative navodi se da radnici Elektrotehničke škole za energetiku, njih gotovo 15 i dalje rade u otežanim okolnostima agonije, mobinga i nemaju informaciju ko je osoba zadužena za prijem molbi za zaštitu od diskriminacije i ugrožavanja dostojanstva i ličnog integriteta prosvjetnih radnika. Zahtjevi i urgencije Sindikalne organizacije za imenovanjem pomenutog lica ignorišu se od strane Uprave, pa samim tim ova problematika nije adekvatno i propisano uređena. Važno je kako se resorno ministarstvo očitovalo o izvještaje o pitanju obavljenih inspeksijskih nadzora i koje aktivnosti je poduzelo povodom istih. Kako je moguće da je opet imenovan direktor za čiji rad je utvrđen niz prekršaja, a škola kao javna ustanova izložena plaćanju visokih kazni zbog izrečenih kazni i nepoštivanja propisa. Da li postoje elementi koji su indikatori za resorno ministarstvo da se uputi zahtjev za razrješenje direktora ukoliko su u posjedu saznanja o

neodgovornom poslovanju i nepoštivanju zakonskih propisa, obzirom na utvrđene prekršaje u Elektrotehničkoj školi za energetiku. Očekujem i dalje odgovor na Inicijativu od 20.07. kojom je traženo da se izvrše detaljne radnje uvida u netransparentnost konkursne procedure za imenovanje direktora Elektrotehničke škole za energetiku s naglaskom na izostanak objave konkursa na zvaničnoj web stranici škole. Vjerujem da se resorno ministarstvo obratilo školskom odboru Elektrotehničke škole za energetiku u Sarajevu povodom navedene problematike i da su poduzete adekvatne aktivnosti nakon uvida u dostavljene informacije. Takođe, vjerujem da imate informaciju o otuđenju privatne pošte za sindikalnu organizaciju ove škole i molim da me informišete šta ste poduzeli po ovom pitanju.

ODGOVOR:

U cilju dostave cjelovite informacije zastupnici u Skupštini Kantona Sarajevo, Ministarstvo za odgoj i obrazovanje Kantona Sarajevo je od JU Elektrotehnička škola za energetiku (u nastavku teksta: Škola), a povodom već zaprimljenog dopisa Sindikalne organizacije Škole zatražilo izjašnjenje u vezi sa navodima o nepostojanju komunikacije rukovodstva Škole sa Sindikalnom organizacijom i imenovanjem osobe zadužene za prijem pritužbi zbog ugrožavanja dostojanstva i ličnog integriteta radnika. Na osnovu odgovora Škole broj: 02-1909/23 od 10.11.2023. godine može se utvrditi da je u Školi odlukom direktora broj: 02-75/22 od 26.01.2022. godine imenovan Tim za primanje i rješavanje pritužbi vezanih za zaštitu dostojanstva radnika Škole.

Prilog: Dopis JU Elektrotehnička škola za energetiku broj: 02-1909/23 od 10.11.2023.g odine

U odnosu na ostale tvrdnje iz zastupničke inicijative kojima se ukazuje na moguće nepravilnosti u radu Škole, kao i tvrdnje u vezi sa izborom i imenovanjem Fikreta Radončića za direktora Škole Ministarstvo skreće pažnju da se u odnosu na takve navode, aktom broj: 11-04/02-03-36381-1/23 od 18.09.2023. godine, već očitovalo prema Uredu za borbu protiv korupcije i upravljanje kvalitetom. S tim u vezi, u odnosu na izbor i imenovanje Fikreta Radončića za direktora Škole Ministarstvo ukazuje na činjenicu da je članom 7. stav 1. Pravilnika o izboru, kriterijima za izbor, nadležnostima i radu direktora srednjih škola („Službene novine Kanton Sarajevo“ broj: 46/18) propisano da „Školski odbor donosi odluku o raspisivanju javnog konkursa za izbor direktora najmanje tri mjeseca prije isteka mandata direktora, odnosno najmanje tri mjeseca prije završetka nastavne godine, ukoliko mandat direktora ističe u periodu juli-oktobar tekuće kalendarske godine“.

Nadalje, članom 9. stav 2. pomenutog Pravilnika propisano je „Školski odbor je obavezan u roku od 10 dana od dana izbora direktora Ministarstvu dostaviti Odluku o izboru direktora, kopije zapisnika i kompletnu dokumentaciju izabranog kandidata na dalju proceduru“.



Dana 08.06.2023. godine Ministarstvo je zaprimilo akt Školskog odbora Škole broj: 01-892/23 od 07.06.2023. godine u prilogu kojeg su dostavljeni odluka o izboru direktora Škole, kopija zapisnika i kompletna dokumentacija izabranog kandidata. Nakon analize dostavljene dokumentacije, Ministarstvo je zvaničnim email-om od 14.06.2023. godine zatražilo od Škole dopunu ranije dostavljene dokumentacije, nakon čega je Školski odbor, aktom broj: 01-1000/2023 od 16.06.2023. godine, dostavio Ministarstvu traženu dokumentaciju radi prosljeđivanja Vladi Kantona Sarajevo.

S obzirom na činjenicu da je članom 146. stav 3. Zakona o srednjem obrazovanju („Službene novine Kantona Sarajevo“ broj: 23/17, 30/19, 33/21) propisano da „Direktora srednje škole kao javne ustanove, čiji je osnivač Kanton imenuje i razrješava školski odbor, na osnovu javnog konkursa i uz saglasnost Vlade“, kao i činjenicu da je članom 11. stav 1. naprijed navedenog Pravilnika propisano da „U roku od 60 dana od dostavljanja zahtjeva za davanje saglasnosti, Vlada daje saglasnost za kandidata kojeg predloži školski odbor, a koji ispunjava uslove javnog konkursa i kriterije iz Zakona i ovog pravilnika“, Ministarstvo je dana 12.07.2023. godine (akt Ministarstva broj: 11-05/02-34-26774-6/23 od 10.07.2023. godine) odluku Školskog odbora o izboru i imenovanju direktora Škole, sa kompletnom dokumentacijom, prosijedilo na razmatranje Vladi Kantona Sarajevo radi pribavljanja saglasnosti na odluku o imenovanju.

Vlada Kantona Sarajevo je na 16. sjednici održanoj dana 13.07.2023. godine, donijela Odluku o davanju saglasnosti za imenovanje direktora JU Elektrotehnička škola za energetiku Sarajevo, odnosno saglasnost Školskom odboru Škole da se Fikret Radončić imenuje za direktora, na mandatni period od četiri (4) godine (u prilogu). Odluka Vlada Kantona Sarajevo kojom se daje se saglasnost Školskom odboru Javne ustanove Elektrotehnička škola za energetiku Sarajevo, da se Fikret Radončić, magistar nauka u oblasti sporta i tjelesnog odgoja, imenuje za direktora, na period od četiri (4) godine je objavljena u „Službenim novinama Kantona Sarajevo“ 32/23.

U vezi sa predmetnim pitanjem Ministarstvo je dostavilo i pisanu informaciju Uredu za borbu protiv korupcije i upravljanje kvalitetom broj: 11-04/02-03-36381-1/23 od 18.09.2023. godine, koji Vam u formi kopije dostavljamo. U odnosu na ostale navode iz zastupničke inicijative dostavljamo kopiju izjašnjenja direktora Škole broj: 02-618/23 od 24.04.2023. godine.



Dostaviti:

1. Naslovu,
2. Evidenciji,
3. a/a.



Dana : 26. 1. /22.

Br. 02-75 /22.

-Direktor Škole -

Na osnovu člana 74., člana 75. stav (4), (6) i (7) i člana 76. Pravilnika o o radu Škole (br. 01-1695-1-7 /21. od 21. 12. /21.), direktor Škole donosi

O D L U K U

1. Imenuje se tim za primanje i rješavanje pritužbi vezanih za zaštitu dostojanstva radnika Škole (dalje tim) u sastavu :
 - Dževad Pohara (kao Sindikalni povjerenik Škole),
 - Hikmeta Veljović (sekretar Škole),
 - Amrudin Duraković (pomoćnik direktora Škole).
2. U svrhu stvaranja klime tolerancije, razumjevanja i uvažavanja dostojanstva osobe radnika, poslodavac će voditi posebnu brigu o zaštiti dostojanstva svih radnika Škole, a tim iz tačke 1. ove Odluke će :
 - zavisno o prirodi i težini povrede, odmah, a najkasnije u roku od petnaest (15) dana od dostave pritužbe istu ispitati, kao i radnika koji je pritužbu podnio, te o tome sastaviti zapisnik koji potpisuju tim i radnik ;
3. U provođenju postupka, tim mora preduzeti sve potrebne mjere primjerene pojedinom slučaju, radi sprečavanja nastavka uznemiravanja ili spolnog uznemiravanja, ako utvrdi da ono postoji.
4. Ako tim utvrdi da postoji neželjeno ponašanje iz člana 35. Kolektivnog ugovora (Sl. novine K.Sarajevo br. 4/ 21.) poslodavcu predlaže preduzimanje mjera, ovisno o svakom pojedinačnom slučaju, kao što su :
 - a) usmeno upozorenje radniku za kojeg je utvrđeno da je izvršio uznemiravanje,
 - b) pisano upozorenje radniku za kojeg je utvrđeno da je izvršio uznemiravanje,
 - c) promjene u organizaciji rada kako bi se izbjegla zajednička fizička prisutnost radnika koji je uznemiravan i radnika za kojeg je utvrđeno da je izvršio uznemiravanje ;
 - d) mjere u skladu sa podzakonskim aktima i Pravilnikom o radu (kao u preambuli).

O B R A Z L O Ž E N J E

Postupajući u skladu s obavezama propisanim članom 74. Pravilnika o radu Škole (br. kao u preambuli ove Odluke), uz saglasnost Sindikalnog povjerenika Škole za donošenje ove Odluke, direktor Škole je Odlučio kao u dispozitivu.

Pouka :

Na ovu Odluku nezadovoljna strana se može obratiti prigovorom Školskom odboru u roku od 30. dana od dana prijema iste.

DIREKTOR ŠKOLE

Mr. sđ. Fikret Radončić

Dostaviti :

1/ timu / x3

2/ a / a



Broj: 11-04/02-03-36381-1/23
Sarajevo, 18.09.2023. godine

**URED ZA BORBU PROTIV KORUPCIJE I UPRAVLJANJE KVALITETOM
KANTON SARAJEVO**

**Ul. Reisa Džemaludina Čauševića 1
71000 Sarajevo**

n/r gdina Erduan Kafedžić, šef Ureda

Predmet: Informacija, *dostavlja se*

(Veza Vaš akt broj: 20-04-235-971/23 od 01. 8. 2023. godine)

Poštovani,

aktom broj i datum veze obratili ste se Ministarstvu za odgoj i obrazovanje Kantona Sarajevo (u daljnjem tekstu: Ministarstvo) zahtjevom za dostavljanje informacija vezano za imenovanje Fikreta Radončića za direktora JU Elektrotehnička škola za energetiku Sarajevo.

Također, tražite da Vam dostavimo sljedeće informacije:

- da li je Ministarstvo bilo upoznato sa nepravilnostima u radu navedenog direktora, te da li je preduzimalo određene radnje u vez s navedenim,
- da li je provedena konkursna procedura za ponovno imenovanje Fikreta Radončića za direktora JU Elektrotehnička škola za energetiku Sarajevo, te da li je Ministarstvo preduzimalo određene radnje iz svoje nadležnosti u postupku imenovanja i
- iz kojih razloga je pokrenuta procedura imenovanja direktora znatno ranije prije isteka važećeg mandata.

S tim u vezi, informišemo Vas da je Ministarstvo zaprimilo veći broj, u pravilu, anonimnih predstavljanja kojima se ukazivalo na navodne nepravilnosti u radu organa JU Elektrotehnička škola za energetiku Sarajevo (u daljnjem tekstu: Škola). Sadržaj predstavljanja se odnosio uglavnom na nepoštivanje zakonskih i podzakonskih propisa u dijelu kojima se uređuje nastavni proces i ostvarivanje prava radnika iz radnog odnosa. Određeni broj prijava je sadržavao navode i u vezi nepoštivanja internih akata kojima se uređuje ponašanje radnika u Školi (Pravila Škole, Kućni red,

Etički kodeks i sl.). Predstavke koje je Ministarstvo zapimalo često nisu sadržavale bilo kakve materijalne dokaze kojima se dokazuje osnovanost navoda iz predstavki. Ministarstvo je nakon zaprimanja takvih predstavki tražilo izjašnjenje, odnosno očitovanje nadležnih organa Škole (direktora i Školskog odbora). Na značajan broj predstavki koje su pristigle tokom 2023. godine organi Škole Ministarstvu još uvijek nisu dostavili traženo očitovanje i postupak provjere osnovanosti iznesenih navoda iz predstavki još uvijek traje.

Na osnovu do sada zaprimljenih izjašnjenja organa Škole, Ministarstvo nije izricalo bilo kakve upravne mjere prema organima Škole.

U vezi sa izbor i imenovanjem Fikreta Radončića za direktora Škole Ministarstvo skreće pažnju na činjenicu da je članom 7. stav 1. Pravilnika o izboru, kriterijima za izbor, nadležnostima i radu direktora srednjih škola („Službene novine Kanton Sarajevo“ broj: 46/18) propisano da „Školski odbor donosi odluku o raspisivanju javnog konkursa za izbor direktora najmanje tri mjeseca prije isteka mandata direktora, odnosno najmanje tri mjeseca prije završetka nastavne godine, ukoliko mandat direktora ističe u periodu juli-oktobar tekuće kalendarske godine“.

Nadalje, članom 9. stav 2. pomenutog Pravilnika propisano je „Školski odbor je obavezan u roku od 10 dana od dana izbora direktora Ministarstvu dostaviti Odluku o izboru direktora, kopije zapisnika i kompletnu dokumentaciju izabranog kandidata na dalju proceduru“.

Dana 08.06.2023. godine Ministarstvo je zaprimilo akt Školskog odbora Škole broj: 01-892/23 od 07.06.2023. godine u prilogu kojeg su dostavljeni odluka o izboru direktora Škole, kopija zapisnika i kompletna dokumentacija izabranog kandidata. Nakon analize dostavljene dokumentacije, Ministarstvo je zvaničnim email-om od 14.06.2023. godine zatražilo od Škole dopunu ranije dostavljene dokumentacije, nakon čega je Školski odbor, aktom broj: 01-1000/2023 od 16.06.2023. godine, dostavio Ministarstvu traženu dokumentaciju radi prosljeđivanja Vladi Kantona Sarajevo.

S obzirom na činjenicu da je članom 146. stav 3. Zakona o srednjem obrazovanju („Službene novine Kantona Sarajevo“ broj: 23/17, 30/19, 33/21) propisano da „Direktora srednje škole kao javne ustanove, čiji je osnivač Kanton imenuje i razrješava školski odbor, na osnovu javnog konkursa i uz saglasnost Vlade“, kao i činjenicu da je članom 11. stav 1. naprijed navedenog Pravilnika propisano da „U roku od 60 dana od dostavljanja zahtjeva za davanje saglasnosti, Vlada daje saglasnost za kandidata kojeg predloži školski odbor, a koji ispunjava uslove javnog konkursa i kriterije iz Zakona i ovog pravilnika“, Ministarstvo je dana 12.07.2023. godine (akt Ministarstva broj: 11-05/02-34-26774-6/23 od 10.07.2023. godine) odluku Školskog odbora o izboru i imenovanju direktora Škole, sa kompletnom dokumentacijom, prosijedilo na razmatranje Vladi Kantona Sarajevo radi pribavljanja saglasnosti na odluku o imenovanju. Obrazloženje prijedloga odluke Vlade Kantona Sarajevo, koje je sastavni dio ovog materijala, dostavljamo kao sastavni dio ovog akta.



Vlada Kantona Sarajevo je na 16. sjednici održanoj dana 13.07.2023. godine, donijela Odluku o davanju saglasnosti za imenovanje direktora JU Elektrotehnička škola za energetiku Sarajevo, odnosno saglasnost Školskom odboru Škole da se Fikret Radončić imenuje za direktora, na mandatni period od četiri (4) godine (u prilogu). Odluka Vlada Kantona Sarajevo kojom se daje se saglasnost Školskom odboru Javne ustanove Elektrotehnička škola za energetiku Sarajevo, da se Fikret Radončić, magistar nauka u oblasti sporta i tjelesnog odgoja, imenuje za direktora, na period od četiri (4) godine je objavljena u „Službenim novinama Kantona Sarajevo“ 32/23.

S poštovanjem,



Prilog:

- Obrazloženje prijedloga odluke Vlade Kantona Sarajevo,
- Akt Škole broj: 01-892/2023 od 07.06.2023. godine,
- E-mail Ministarstva od 14.06.2023. godine,
- Akt Škole broj: 01-1000/2023 od 16.06.2023. godine,
- Odluka Vlade Kantona Sarajevo broj: 02-04-32382-51/23 od 13.07.2023. godine.

Dostavljeno:

- Naslovu,
- Evidenciji,
- a/a.



1784

Elektrotehnička škola za
Sarajevo

energetiku
Sarajevo

Electrical engineering school

558 11

Dana : 24. 04. 2023.god.

Br. 02- 618 /23.god.

-Direktor Škole -

27.04.23 4422
u 14,25^h p.b:5
Dijanos
Uterhoni

25-04-2023
02 04 7175-A
99 03/05/23 FPK

- Federacija Bosne i Hercegovine –
- Kanton Sarajevo –
- Vlada Kantona Sarajevo –
- Ul. Reisa Džemaludina Čauševića br. 1.


Predmet : Dostavljanje informacije u vezi akta : Otvoreno pismo/predstavka

Poštovani ,

u vezi akta , predstavka radnika Elektrotehničke škole za energetiku Sarajevo , upućene Ministarstvu za odgoj i obrazovanje K.Sarajevo , kao i ostalim subjektima K.Sarajevo , te i Vladi K.Sarajevo (vidljivo iz naslova) , zatražena je informacija od strane Ministarstva za odgoj i obrazovanje K.Sarajevo , i to da istu dostavi direktor Škole kao i Školski odbor.

Kao direktor Škole , očitovao sam se prema Ministarstvu za odgoj i obrazovanje K.Sarajevo , te isti dokument , kao informaciju dostavljam i vama , u prilogu ovog akta .

S poštovanjem ,



DIREKTOR ŠKOLE

Mr. sci. Fikret Radončić ,

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
JU ELEKTROTEHNIČKA ŠKOLA ZA ENERGETIKU
Zmaja od Bosne 37, 71000 Sarajevo



Dj.broj: 02- 616/23

Sarajevo, 24.04.2023.

Ministarstvu za odgoj i obrazovanje Kantona Sarajevo

n/r ministrice Naida Hota Muminović

PREDMET : Očitovanje

Poštovana,

Na osnovu Vašeg akta broj 11-04/02-34-7175-1/23, datiranog 27.03.2023. zaprimljenog putem pošte 20.04.2023. kojim se traži od direktora škole očitovanje na okolnosti navedene u prilogu pod nazivom "Otvoreno pismo/predstavka", upućeno na 10 (deset) različitih adresa, dostavljam Vam odgovor u datom roku.

Ponavlja se već nebrojeno puta traženje izjašnjenja direktora škole na navode navedene u anonimnim predstavkama "radnika škole", "zabrinutih roditelja", i sličnih "terorisanih i mobingovanih, dobronamjernih, nezaštićenih" lica ili grupa.

Obzirom na masu navoda, koji se u identičnom ili sličnom obliku i formi ponavljaju duže vremena, ovaj odgovor vjerovatno će biti sličan prethodnim.

Toliko laži, neistina, podmetanja, insinuacija, uvreda izrečenih-napisanih od strane "radnika Elektrotehničke škole za energetiku u Sarajevu" je zaista pokazatelj patološke mržnje autora. Najveći broj napisanih "činjenica" je autoru/autorici/autorima, svima koji stvarno žele govoriti istinu lako provjerljiv. Jasno je da istina nikad nije ni bila cilj. Naprotiv.

Sušтина ovog remek djela je u posljednjoj rečenici: "Ako ste nemoćni da nam pomognete i zaustavite ovaj zločin, onda vas molimo da prilikom reizbora dobro razmislite ko će biti imenovan na poziciju budućeg direktora."

Iako poslije ovakve konstatacije držim besmislenim iznošenje već poznatih činjenica, respektirajući Vas lično, instituciju koju predstavljate, pokušaću dati adekvatan odgovor:

- Moje imenovanje na funkciju direktora škole, novembar 2019. godine, je izvršeno apsolutno u skladu sa važećim zakonskom propisima.

- Spominjanje "glasanja radnika" o izboru direktora pokazuje (ne)poznavanje zakonske regulative "autora" obzirom na način izbora direktora srednjih škola predviđen još uvijek važećim Pravilnikom. Zna/znaju autori šta se želi postići tom bezočnom laži.
- Nabranje konkretnih imena radnika škole koji su "žrtve ponašanja" očigledno ima za cilj stvaranje dojma o masovnoj pojavi terorisanja. Lako je provjeriti istinitost tih navoda.
- Prijetnje, fraze, čak psovke navedene u pismu nikada nisu bile dio moga riječnika.
- Iako se ne navodi o kojim je radnicima škole riječ spominjanje disciplinskih postupaka se tiče Zakonom o srednjem obrazovanju, Zakonom o radu, Pravilima škole, Kolektivnim ugovorom predviđenim procedurama. Kada se radnik škole na sjednici Nastavničkog vijeća obrati direktoru škole riječima: "Vi ste Bog? Neću ja nikada pisati molbe! Jeli se vi prema meni ponašate tako zato što sam Jadranka Jovanova Simeunović?" i na taj način vas direktno optuži za diskriminaciju po nacionalnoj osnovi treba da ostanete bez reakcije? Kada radnik škole svjesno opstruira rad na način da se ne pridržava utvrđenog rasporeda časova i kabineta, pravdajući to riječima "Ja sam ovdje duže, neka ona sebi traži drugi kabinet i hoda po školi!", sve to ponovi više puta, također treba da ostane bez reakcije? Ili možda slučaj radnika koji sada potražuje prava u smislu naknade za liječenje a koja se tiču perioda prije desetak godina, te je sadašnji direktor i za to krivac!
- Definisana je i dijagnoza direktora: psihosociopatske osobine i sadizam... Nemam komentar.
- Kada su u pitanju bolovanja nekoliko radnika škole učestalo koriste ista, za koja dostave uredne doznake. Svako odsustvo radnika, posebno nastavnika, se direktno odražava na realizaciju nastavnog procesa. Općepoznata je činjenica nedostatka stručnog kadra u oblasti obrazovanja. Nije jednostavno angažirati lica koja rade po nekoliko dana, nakon što se radnik vrati sa bolovanja, te samo par dana nakon toga ponovo koristi bolovanje. Niti jedno bolovanje nije problematizirano od strane direktora škole.
- Od svih radnika škole koji su koristili bolovanja samo je direktor škole, u dva navrata, bio na bolničkom liječenju- operacijama.
- Ljekarska pomoć psihijatra, koja se također spominje, kao posljedica terora i mobinga, se vrlo zlonamjerno apostrofira. Jednako zlonamjerno bi bilo postaviti pitanje zdravstvene sposobnosti za rad u obrazovanju lica oboljelih od duševne bolesti.
- Spominjati dolazak Hitne pomoći u školu je krajnje morbidno. Kolegica se nije dobro osjećala i naravno da je pozvana HMP. Insinuacija da je to povezano sa sjednicom Nastavničkog vijeća je zaista bolesna.
- "U školi nema organizovane dopunske, dodatne nastave sekcija, učešća na takmičenjima, odlazaka na izlete, posjete pozorištima, kinima i slično" ovakve tvrdnje su najblaže rečeno smiješne. Svakog momenta provjerljive, kako u školi, tako i putem web stranice, FB stranice škole.
- "Nastavnici nemaju krede i zadaćnica a nabavljaju se nekakva rolo vrata" je opet bezočna laž. Rolo vrata odvajaju dio prostora koji koriste zakupci od dijela koji koriste učenici, a druga prostor sale za TIZO od ostalih učionica upravo zbog izbjegavanja situacija da "treća lica" imaju kontakt sa učenicima.

- Sredstva od tzv. "upisnine učenika" su određena odlukom ŠO a njihov utrošak vrlo jasno definisan.
- Koliko su autori spremni iznositi laži je i navod da je vlasnik firme PC Plus u rodbinskoj vezi sa direktorom (badžo). Lako je provjeriti da je vlasnica spomenute firme izvjesna S.M.
- Svi postupci u Javnim nabavkama su realizovani transparentno i dostupni svima.
- Evo "radnici škole" tvrde da učenici slobodno puše kako u prostorijama škole, tako i ispred zgrade. Očigledno smatraju samo direktorovom obavezom da upozorava na tu pojavu jer oni to rade "bez da ih iko sankcioniše". Ne postoji niti jedna prijava dežurnog nastavnika, bilo kojeg profesora ili radnika škole da učenici puše u prostorijama škole. Postoje usmene prijave roditelja i učenika da određeni nastavnici kasne na časove zbog korištenja cigareta tokom malih odmora.
- On line nastava je definisana Godišnjim programom rada škole, te se kao takva i provodi u tačno određenim terminima.
- Apsolutno je tačno da pomoćnik, valjda se misli na pomoćnika direktora, zaista provodi 10-12 sati u školi. Dakle posvećenost poslu, vrlo često izvršavanje obaveza drugih radnika škole, se problematizira. Navod da dolazi u školu u "vidno alkoholiziranom stanju" definitivno spada u klevetu najteže vrste. Zaključavanje u radnoj prostoriji, "pa čak i s učenicima" insinuiraju još gnusnije radnje. Kada pomislite da je dotaknuto dno podmetanja ovakvim nebulozama se čovjek etiketira na najgrublji način, najtežim optužbama.
- Jako dobro informisani autor/autori spominju i problem prijema pošte. U više navrata su registrovana obraćanja različitih institucija/lica kojima se ponovno traži neka informacija, a da prije toga nije do direktora škole uopšte došla niti prva. Direktor škole svu prispjelu poštu signira na konkretno lice, ukoliko ista nije upućena direktoru, ili na konkretno ime. Neke pošiljke nikada nisu ni zaprimljene, odnosno došle do direktora. Praksa kojom su se sve vrste pristigle pošte prvo pomno analizirale u krugovima sive eminencije pa tek onda prosljeđivale na postupanje je očigledno bila navika i način rada.
- Evidencija prisustva radnika na poslu je zakonska obaveza koju, kao odgovorno lice, savjesno ispunjavam. To što određenom broju radnika ne odgovara precizno evidenciranje, bez mogućnosti manipulacije, što vrlo često "zaborave" elektronsku karticu, što su se u više navrata obraćali nadležnoj inspekciji upravo u vezi s tim, očigledno se tumači kao teror i mobing direktora.
- Radno vrijeme sekretara škole je definisano Ugovorom o radu, u skladu sa Zakonom. Isti Ugovor je također bio predmet inspekcijskog nadzora, naravno nakon anonimne prijave.
- Poslovni prostori u okviru školske zgrade su tako "domaćinski" izdavani u ranijem periodu da su u različitim fazama sudskog odlučivanja nekoliko njih, zbog neizmirivanja obaveza. Anonimni znalci eto tvrde da je direktor nesposoban za poslovnu saradnju jer ostavlja školu bez značajnih prihoda. Direktor škole upravo suprotno, u interesu škole,

što mu je i zakonska obaveza, nastoji izvršiti naplatu nagomilanih dugovanja iz perioda kada nije bio direktor.

- Prekid saradnje sa korisnicima poslovnih prostora "jer vjerovatno nisu platili traženi mito" je definitivno optužba najteže vrste.
- Utopljavanje zgrade škole, ugradnja foto-naponske elektrane su za dokonu autorsku ekipu sumnjive radnje potencijalno tlo za manipulacije. Mogli su barem solarne panele spomenuti u pozitivnom kontekstu, posebno što je edukacijski dio projekta učenicima već odavno dio svakodnevnice, te napisani i maturski radovi na tu temu.
- Zapisnici sa sjednica Nastavničkog vijeća i Školskog odbora se objavljuju transparentno i pravovremeno. I ovaj segment je bio, u više navrata, predmet anonimnih prijava inspekcijskim organima. Njihovo "prepravljavanje i friziranje" postoji samo u mašti autora.
- Postoje prijave protiv više profesora od strane roditelja. Zašto se baš spominje ime jednog profesora, a ne recimo i onih navedenih kao terorisanih, znaju autori. Postupak protiv pomenutog profesora je pokrenut i vođen u skladu sa Zakonom.
- Teza da se vrši neviđeni pritisak na člana ŠO i predstavnika sindikata je još jedna od laži u nizu.
- Imenovanje članova ŠO je, kao što je svima poznato, tako i autorima, u nadležnosti Vlade KS.
- Konstatuju autori da je" direktor škole, inače po struci nastavnik tjelesnog odgoja, već dugi niz godina angažovan kao koordinator škole skijanja" te tako zanemaruje svoj rad u školi, zauzima mjesto nezaposlenima i još se registruje na aparatu za prisustvo čak i kada je van države!!! Očigledno je da autorima smeta i moje učešće, na osnovu odluke Ministarstva za odgoj i obrazovanje, u veoma značajnom projektu. Kao jednom od inicijatora tog projekta, glavnom operativcu u zahtjevnoj aktivnosti, osjećam se vrlo ponosnim što sam dio toga. Nikada taj angažman nije bio na štetu škole. Lako je provjeriti vrijeme provedeno u školi, ali i van škole. Za razliku od značajnog broja radnika, uključujući autore, kojima elektronska evidencija očigledno predstavlja problem, meni kao radniku škole se nikada nije desilo da "zaboravim prijavu/odjavu", da "zaboravim karticu", da "karticu izgubim ili oštetim", da "aparat ne radi" itd...
- Autori spominju i moju suprugu u kontekstu nepotizma. Nepotizam (iz latinskog. nom. nepos, gen. nepotis, unučad, potomak, nećak) je termin kojim se označavaju popunjavanje radnih mjesta članovima vlastite obitelji ili davanje prednosti pri zapošljavanju poznanicima. Kriterij stručne ili osobne sposobnosti za određenu funkciju pri tome ne igra odlučujuću ulogu. Wikipedija...
Niti sam ja bio u prilici svojoj supruzi pomoći na bilo koji način, niti ona meni u kontekstu imenovanja. Možda autori aludiraju na skladan brak, međusobno uvažavanje, poštovanje i ljubav supružnika koji se svakodnevno podržavaju, a još su i evidentno uspješni u svojim poslovima. Samo njeno spominjanje eksplicitno govori o namjeri autora da, ne samo profesionalno, nego i lično, diskredituju mene, moju porodicu kao najbitniji oslonac svakog normalnog čovjeka. Njihove frustracije vlastitim neuspjesima, ličnim i profesionalnim, se očigledno ispoljavaju na ovaj način.

- Ako postoje naznake nepotizma u ovoj školi onda je indikativno zapošljavanje bračnih drugova, te sestrića i amidžića, prije početka moga mandata na mjestu direktora.

Za sve navedeno postoje materijalni dokazi koji su ministarstvu u najvećem dijelu već dostupni, putem nalaza različitih inspekcija. To znaju i autori ovog pamfleta, ali ih to ne sprječava da kontinuirano, planski, koordinirano bombarduju različite institucije, školu prije svega, ovakvim i sličnim pismima. Iz komunikacije sa ostalim direktorima srednjih škola na području KS znam da određene tenzije ove vrste, u različitim oblicima i pojavama, postoje i u drugim školama. U ovom obimu, na ovako drzak načine ipak ne.


Samo obraćanje počinje navodnim problematiziranjem mojeg izbora na mjesto direktora, a završava uputstvom/prijetnjom kako treba razmisliti ko će biti imenovan na mjesto direktora škole. Savršeno je jasno da od prvog dana mandata, pa evo sve do sada, postoji manja grupa "radnika" kojima je smetalo kako tada, jednako ili više i sada, da se na poziciju direktora škole može doći zahvaljujući isključivo profesionalnim kompetencijama. Valjda je problem što "nije bilo kako je dogovoreno" negdje, nekada...

Tempirano u vrijeme kada se treba provesti procedura izbora direktora za naredni mandatni period, način pisanja, spremnost autora na sve vrste manipulacija, govore da je u narednom period za očekivati još ekstremnije napade, sa još strašnijim optužbama. Već sam etiketiran putem određenih portal kao despot i tiranin, čak i u vrijeme boravka u bolnici, bez mogućnosti iznošenja činjenica, odnosno prave, jedine istine.

Obzirom na težinu iznešenih teza, optužbi, vrijeđanja, omalovažavanja, laži, posebno spominjanja moje porodice, angažirao sam advokatsku kancelariju koja će voditi daljnje procese u cilju zaštite ličnog digniteta moje porodice i mene lično.

S poštovanjem,

Sarajevo, 24.04.2023.



Direktor škole :

/ mr. sci. Fikret Radončić /